

三一經 黃帝 龍騫經 黃帝

右二經天真人授

上清經四十六卷 黃帝

右西王母授

上清經三十二卷 魏夫人

右王君授

上清經七卷 仙人

右三真人授

上清經四卷 仙人

右三茅真君授

靈寶經十六卷 葛仙翁

右三真人授

靈寶經十四卷 抱朴子

右太極真人授

道德章句二卷 漢武帝

右河上公授

粵自三古已降迄于巨唐寶軸靈文或隱或見出於史策或著在別傳至宋朝簡寂先生校離之際述珠囊經目萬八千卷其後江表于戈秦中兵革真經秘篆流散者多後周武

帝立過玄觀收集衆經猶及萬卷洎隋火版

蕩唐王龍興翦掃氛埃風定寰宇至開元之

歲經訣方與玄宗著瓊網經目凡七千三百

卷復有玉諱別目記傳疏論相兼九千餘卷

尋至二胡猶夏正教交遷兩京秘藏多遇焚

燒上元年中所收經籙六千餘卷至大曆年

申甫先生海內搜訪京師繕寫又及七千卷

長慶之後咸通之間兩街所寫纔五千三百

卷近屬巨寇凌犯大駕南巡兩都烟煤六合

棟棟具官道宇所在凋零玉笈琅函十無三

二余屬茲艱會漂寓成都尾踴還京淹留未

幾再為搜訪備涉艱難新舊經誥僅三千卷

未獲編次又屬省方所得之經尋亦亡墜重

遊三蜀更欲搜訪累阻兵鋒未就前志時大

順二年辛亥八月初三日庚辰成都玉局化

閱省科教聊紀云爾杜光庭述

无上黃籙大齋立成儀卷之二十一

无上黃籙大齋立成儀卷之二十二 竹二

三洞法師冲靖先生留用光傳

太上執法仙士將以與登

科儀門

正一飛章謁帝儀 此章夏黃引高功

古對上卷

法師啓白請聖藥獻

次入戶呪

四明功曹 通真使者 上元生炁 入臣身中

今所奏章 關達上聞

華夏旋香一周

次上御案香

各禮師存念如法

右以章置簡上兩手捧當心正立曲身存

思本師位西立 心禮 次存東方諸君天人

心禮 次存南方道德天尊 心禮 次存西方

心禮 次存北方太上老君 心禮 次存

左日右月去面各九寸七星在頭上青炁

從肝中出布滿一室清光過乎日月次存

唐將軍從左臂中出立左葛將軍從右臂

中出立右周將軍從心中出立前兵士各
 三十萬眾悉來衣林然次存五德將軍
 神列位四方次存天驕甲辛騰開出天丁
 力士額間出後吏虎賁兩眉間出剛風騎
 買吏兩膝間出後食食然鼻間出次存
 傳章玉童玉女各立左右直使功曹朱衣
 黑情正立前畢然後行科神仙之道恍惚
 存念不宜久時併會若有
 在心一念一起則了然矣

次衛靈呪
 鳴法鼓二十四道

發爐

太上玄元五靈老君當召功曹使者左右龍
 虎君捧香使者三炁正神急上開啓三天玄
 元太上道君臣今正爾燒香奉為齋主未伏
 為正屬之觀未也
 齊為在會觀等取某日修建無上黃籙
 大齋用資超度謹依科格前期拜奏天官某
 章若干通上詣某官曹治某官願得八方正
 真生炁來降臣身中今臣所啓速達運御
 至真無極大道玉皇尊帝御前

各稱法位

具章奏法位臣姓某謹上啓

虛無自然元始天尊無極大道太上道君太
 上老君高上玉皇十方已得道大聖眾天尊
 至真大帝天帝玄中大法師三天大法師正
 一靜應真君正一女師真人正一嗣師系師
 真人三元唐葛周真君三天門下諸司真宰
 上章曹治通進仙僚天官某章中靈官典者
 法籙治職仙靈將吏某歲德尊神三界內外
 應感威靈臣胎肉微生泥塵賤品緣因宿慶
 忝冒法階佩服符圖遵行教法普令一切咸
 入法門凡有歸投理宜開告今弟子某義形
 報薦志切修崇願建齋功廣資宜福乞按科
 格拜奏章書祈慈力之普加俾幽途之開泰
 臣繼充祭酒職在宣騰謹為請命三天投誠
 眾聖仰希威格俯賜鑒觀俾天澤下臨章書
 上御請祈遂志幽顯蒙恩承恢正一之風普
 被大慈之化臣無任誠惶誠恐稽首再拜謹
 啓以聞

次詣三清御位上香降聖酌獻法事
 如儀三清御位前香位各香一爐大
 清前照火堂香不可使香烟中

此百神
 請之百也

次叩齒二十四通長跪出官其地

謹出臣身中五體真官功曹吏出上仙上靈
 直使正一功曹治病功曹官各二人出左右
 官使者陰陽神決吏科車赤符吏驛馬上章
 吏官各二人出出者嚴裝顯服冠帶垂纒整
 其威儀直使功曹戴通天之冠皂靴單衣正
 一功曹冠朱陽之憤絳章單衣腰帶龍頭之
 劍操持調簿使者并玄陰之憤冠九德之冠
 五色綬命單衣腰帶虎符齋執玉版直使功
 曹住立四方正一功曹住立中央治病功曹
 營衛臣身左官使者建節在前右官使者持
 幢在後陽神決吏立左陰神決吏立右狼吏
 虎賁察奸鈞騎三官僕射天驕甲辛天丁力
 士治正執正吏收炁食炁吏收神食神吏收
 鬼食鬼吏收毒食毒吏收邪食邪吏收精食
 精吏收溫食溫吏收破廟吏剛風騎置吏
 飛龍騎吏等官各二人出並皆羅列住立臣
 前後左右咸受臣口中詞語分別臣所奏上
 天官某章開啓里中真官注炁監察考召里

邑君左右都平君四面方位諸君將吏天師所布下道上二玄三元四始十二時辰皇天大帝甲子諸官君丙子仁君五七赤陽君二十五官君考君諸君將吏等臣所受其治男官女官二十四官男君女君二十四君男職女職二十四職治中左右陰陽二十四君建部監功大將軍高下治中真君前部效功後部效熱驛亭今驛亭丞四部監章從事按章從事呈章從事錄章從事通章從事禦章從事定章從事較章從事齋章從事五百印章從事東九夷南八蠻西六戎北五狄中央三秦玄元始三萬六千餘神山川溪谷社稷將吏同職上啓

函蘊之中臣伏地宣章如法功曹使者對共料理持篆選御謹開玉函伏讀章文
次上手爐香以龍頭書刀啓章函叩齒三通祝曰
四明功曹 開函小吏 手執書刀 開發函執章文上奏 開通道理 亡者生天 存者蒙庇 急急如律令
次從函中出章於香上度過叩齒三通祝曰
五色之烟 衝章上天 五色之炁 衝章達帝 下官故炁 不得妄干 急急如律令
次法師以章付侍經侍經跪受章書同侍香呈金魚置右玉屬置左次宣章法師望天門再拜長跪至請官處皆再拜存伏如儀宣章畢置案上以書刀鎮左筆鎮右

治錄耳目閉塞檢校不聽所上章文恐有錯誤行列不端文字不整脫漏顯倒音句不屬將前作後以左為右事任陰陽神決吏傳言書佐習事小吏隨章進對龍頭書刀尋文削治長毫利筆依儀證定無令上官典者有所遺却閉炁昇章選御
太上老君御前左吏歷關右吏歷啓諸官君歷第以次分別開啓當令臣所請者下所召者到所濟者度所奏者達若有下官故炁違截臣章文不使上達者錄付所在近獄依律治罪以明天憲臣伏在案左恭待聖恩報應
封章入函
侍經捧章監齋押之威儀華夏讚引
至焚燎所
侍經讀章疏關
焚章頌
法師伏地呈進如儀候與舉送聖頌
長跪納官
臣上章事訖所出臣身中功曹使者一切靈官君吏各從臣衆妙之門而入在左還左在

右還右直使功曹主領檢押復於宮室無令
差互後召又到一如故事明史三禮

復爐

香官使者左右龍虎若侍香諸靈官當令臣
奏章之所自然生金液丹碧芝英百靈聚真
交會在此香火爐前當願弟子并合家受福
幽顯蒙恩十方仙童玉女侍衛香烟傳奏臣
所言并所上章文徑御
至真無極大道玉皇尊帝御前

出堂頃

天師前禮謝

雲輿

送師

向來

念善

請恩設醮儀古儀不與者先立者之本
道者為若叩古之士會從

先嚴潔排辦香燈茶酒果醮獻之具

一一如法供養

次敕水淨穢華夏升壇

入戶呪

遶齋庭行香一周道衆依序立班

各禮師存念如法

術靈呪

鳴法鼓二十四通

無上三天玄元始三炁太上老君召出臣等
身中三五功曹左右官使者左右捧香驛龍
騎吏侍香金童傳旨散花玉女五帝直符直
日香官各三十六人出出者嚴裝關啓此間
土地里域真官正神臣今正爾燒香奉為
開建元上黃籙大齊行道事竟謹設清醮一
座典分位仰謝洪恩願得太上十方正真生
炁降流臣等身中今臣所啓速達運御
太上無極大道至真玉皇上帝御前

次長跪出官叩齒明呪如
法祈官同

謹出臣身中五體具官功曹吏出上三天執
法開化陰陽功曹度道消災散禍解厄君吏
各一十二人出臣等身中治職君吏某治中
建節監功大將軍前部效功後部效殺驛庭
今驛庭丞四部監功謁者上仙上靈直使功

曹左右官使者陰陽神次吏科車赤符吏剛
風騎置吏驛馬上章吏飛龍騎吏等官各二
人出出者嚴裝顯服冠帶無纒整其威儀功
曹弁朱陽之情冠通天之冠衣皂統單衣腰
帶龍頭之劍捧持謁簿使者弁玄陰之情冠
九德之冠衣絳章單衣腰帶虎符齋執玉版
直使功曹住立四方正一功曹住立中央治
病功曹管衛臣身左官使者建節在前右官
使者持幢在後陽神次吏立左陰神次吏立
右上部功曹住立上方中部功曹住立身中
促氣功曹僅促十方上部使者遠望上天中
部使者速瞻八方都官使者繞巾臣身狼吏
虎賁察奸鈞騎都官僕射天騶甲卒天丁力
士治正執正吏收神食神吏收鬼食鬼吏收
悉食悉吏收毒食毒吏收精食精吏收邪食
邪吏誅得破廟吏剛風騎置吏驛馬上章吏
飛龍騎吏等並皆屯駐臣左右前後受臣詞
語分別關啓此間土地里域真官監察考召
左右都平君天師所布下二十八治三十六
晴盛七十二福地三百六十名山崑崙等上

官洞天海嶽三元四始二十四炁十二司神
太歲太陰甲子諸官君玄元始炁三萬六千
神在時受命章中從事東夷南蠻西域北狄
中央三秦五老神君山川溪谷靈官符吏同
誠上啓

太上無極大道元始天尊太上大道君太上
老君太上丈人無上玄老君十方無極大道
道德聖天尊至真大帝天帝三十六部尊
經玄中大法師天師君靈寶衆真三界威靈
臣等夙命因緣叨傳教法告盟之日約以行
持誓願嚴揚真風廣化一切今為弟子某度
遵科簡修承寶齋已散瑤壇兼陳清醮仰酬
洪造用表丹衷伏乞功曹使者飛龍騎吏寫
臣傳奏達今上達所冀
三清大帝十極高真普錫洪慈分輝降鑒流
恩下土施澤窮泉福祿存亡慶均家國臣誠
惶誠恐稽首頓首激切之至謹啓以聞

各稱法位

具法位奉行黃籙言功大醮法事臣某與臨
壇衆官等謹同誠上啓

虛元自然元始天尊無極大道太上大道君
太上老君高上玉皇十方已得道大聖衆至
真諸君丈人三十二天帝君玉虛上帝玉帝
大帝東華南極西靈北真玄都玉京金闕七
寶瓊臺紫微上宮靈寶至真明皇道君玄中

大法師天師君上相上宰四司五帝三界官
屬一切真靈臣謹為弟子某恭修無上黃籙
大齋功圓事竟謹請吉夕虔備樂修延降諸
天聖真靈寶官屬三界職司一切主宰願垂
降駕鑒察丹衷臣等無任瞻天望聖激切屏
營之至謹稽首再拜奏請

各稱法位

具法位臣某與弟子某臨壇官衆等謹重誠
上啓
三清上聖十極高真天地靈仙日月星宿四
司五帝徽濟真官靈寶仙曹三界官屬應運
感降一切真靈臣等夙承餘慶得降真風叨

佩靈文案修玄教功經塵露過重丘山誠宜
束身以自收檢而法許開度佐國立功凡有
版投理難抑絕况奉詞旨敢不上聞
宣詞

按如詞旨備極精誠齋主某虔奉道真齋持
法信依按科簡恭設聖壇修無上之齋竭事
天之實叩頭十極歸仰三光懺積罪於神經
謝宿愆於茲續隨方鎮緣至潔至嚴列位香
燈無虧無絕青詞未表上達玄都玉篆金書
下頒幽壤諒齋功之成就祈善願以周圓幽
顯均休存亡獲慶今者法事已悉仙範既終
真馭返於上玄法流分於下界經收寶軸道
還玉京卸梵炁之牌倒碧蓮之幕共惟三界
一切真靈侍經威神直壇將吏爰從啓告遠
至散壇依按典儀九時朝奏監臨潮衛通達
往來勞役真官驅馳將吏敬陳醴禮恭謝靈
恩伏願靈雲耕少留寶馭享茲清潔察此
精誠賜景福於家門降祺祥於眷屬幽冥開
春生死荷恩臣等無任虔切之至謹稽首再
拜上香酒伸亞獻

次法事遶懸延行香一周至洞案前序立

舉長吟法事

具位臣等與弟子等謹重誠上啓

太上三尊十方衆聖三界官屬一切真靈臣

聞大道無爲神功不測生成天地孕育萬靈

惠濟幽明利露品物凡伸祈告必獲感通今

弟子某宿植良緣歸依正教荷恩深厚展敬

虧違寶齋已散於良宵清醮再陳於吉夕答

天地生成之德謝真靈衛護之恩洗積世之

愆尤解百生之冤結遷升往逝保佑親姻伏

乞上聖垂慈至真錫祐三官注善五帝記名

功德克周善緣成就福流無極利及有情先

願宗桃先聖杜稷尊靈長保丕圖克昌厥後

皇帝天基惟永睿算無疆四夷咸賓五兵銷

偃陰陽叶序風雨應時歲有豐登物無疵禍

次願弟子某等億萬祖若真幽魂俱承妙

善之功咸獲超生之路死魂受鍊永拋有漏

之緣真性長存頓悟無爲之果次乞臣等已

身眷屬舉族姻親體合元和神融妙道金真

玉瑩增福祉於隆昌鏡朗塵清延壽齡於綿
遠火隨靈散善逐雲驟動植飛沉寰中象外
俱霑巨福成沐玄恩然願享祀神祇此間土

地同承齊力進品仙階鎮宅寧家安人護物
三途五苦六道四生兵死陣亡沉魂滯魄各

蒙道力溥受殊勲速離幽關早超真界仰希
真應克副所祈稽首虔恭酒陳終獻懸壇禮

狀恭對敷宣

次奏獻車轡錢馬

宣功德都疏

法事遶懸延行香一周至洞案前序

立

臣謹重誠上啓

至真大聖無極高尊三界真靈一切官屬臣

等祗奉仙科慶成道典禮既周於三獻善斯

降於百祥所願從心所求遠志功雷水陸善

及存亡一切有情悉蒙玄澤尚慮臣等學法

未備進止犯科弟子某等獻垂儀修管有缺

願垂原赦普降洪恩塵世凡微不敢稽滯仰

瞻真馭已在雲霄升車之恩不違祈請臣等

下情無任攀戀望恩之至謹稽首再拜奉送

回辨頌

長跪納官

臣奏啓事畢向者所出功曹使者並選臣身

中從衆妙門而入在左還左在右還右真使

功曹主領檢押各復本位無令差互須召又

到一如故事

復爐

香官使者左右龍虎君侍香諸靈官當今設

醮之所自然生金液丹碧芝英百靈衆真交

會在此香大爐前當今存亡受福家國雷恩

十方金童玉女侍衛香烟傳臣向來所啓之

誠迎御

太上無極大道至真玉皇上帝御前

吟焚詞頌至燎所

回向念善

唱設醮事畢衆官復位

无上善錄大齋立成儀表之二十二